



JU BOSANSKI KULTURNI CENTAR ŽIVINICE
Ul. Alije Izetbegovića 42 75270 Živinice
Tel/fax : 035/77 39 08, ID: 4209662540006
Žiro račun 1321100300730073 NLB banka

IZVJEŠTAJ O RADU
JU "BOSANSKI KULTURNI CENTAR" ŽIVINICE
ZA 2021. GODINU

Živinice, april 2022.godina

UVOD

Pandemija Corona virusom obilježila je i 2021.godinu, obzirom da je pojavom virusa konstantno bio ograničen broj posjetilaca na koncertima, u pšozorištu, kinu, promociji knjiga i drugih programa što se odrazilo na rad i na finansijsko poslovanje.

Ipak, uprkos pandemiji Corona virusom i mnoštvo zabrana za javna okupljanja, možemo reći da su godinu iza nas obilježili značajni umjetnički projekti iz oblasti kulture u našem gradu. Održani su brojni koncerti, predstave, radionice, festivali i revije u Živinicama.

Međutim, uprkos mnogim problemima, zahvaljujući Gradskoj upravi i Gradskom vijeću, zatim višim nivoima vlasti koji su sufinansirali projekte, realizovano je niz značajnih kulturnih sadržaja, uz poštivanje epidemioloških mjera.

ODJELJENJE SCENSKE UMJETNOSTI, MANIFESTACIJE, FESTIVALI

Uposlenici JU Bosanski kulturni centar Živinice, marljivim radom i zalaganjem, unatoč prisutnosti pandemije korona virusa i mnogim poteškoćama i ograničenjima u radu u prethodnoj godini, uspjeli su realizovati niz projekata i drugih programa.

Zbog navedenih ograničenja pred umjetnicima i stvaraocima u oblasti pozorišne i drugih izvođačkih umjetnosti, posebno onima koji su planirani za mlade i najmlađi naraštaj, postavljeni su novi izazovi. Ali to ne znači da treba da odustanemo od tradicionalnog održavanja manifestacija ili da prestanemo da djelujemo dok se ne steknu adekvatni uslovi.

Naprotiv, djeci i mladima a i onoj malo starijoj populaciji, upravo u vrijeme krize potrebna je najveća podrška. Iako se pozorište u praksi uglavnom tradicionalno vezuje do sada za zatvoren prostor, te za direktnu komunikaciju i razmjenu u živom odnosu glumaca izvođača i publike, koja je u ovom trenutku otežana, realizacija projekata kad god je bilo moguće održavala se na otvorenom, odnosno ljetnoj sceni kako zbog učesnika i glumaca tako zbog publike. Sve se održavalo uz poštivanje epidemioloških mjera uz apel i poziv pozorišta, umjetnika i stvaraoca koji se obraćaju mladoj publici, svoje članove i oni koji to nisu, da prilagode sadržaje i programe različitih žanrova – predstave, radionice, pričaonice uz okrugle stolove, vježbaonice... da zajedničkom akcijom koja koristi virtuelni prostor olakša mladima posjetu svim pomenutim aktivnostima.

Ciljevi i značaj scenske umjetnosti odnose se prvenstveno na promociju i afirmaciju umjetnosti, te afirmaciju tradicije i kulturne baštine BiH; rad na edukaciji i osvještavanju mlađih građana o značaju kulture; njega kulturnih različitosti na našim prostorima; pomoć pri radu sa umjetnicima iz manjih sredina; rad na organizaciji festivala, scensko-muzičkih, kulturno umjetničkih i zabavnih priredbi, smotri, razmjena tribina, javnih rasprava, seminara i konferencija; praćenje, razvoj i dostignuća iz oblasti izvođačke umjetnosti u cilju unapređenja znanja i osposobljavanja za rad iz oblasti umjetničkih projekata; podrška u razvoju i izgradnji kapaciteta novih organizacija umjetnika putem treninga i seminara; rad na javnom izvođenju dramskih, filmskih, likovnih, teatarskih, književnih, muzičko-scenskih djela i projekata;

podsticanje i zalaganje za razvoj rada u oblasti filma, video produkcije, književnosti, fotografije, dizajna, filma, muzike, izdavaštva, teatra; izdavanje i štampanje brošura, časopisa, knjiga i drugih publikacija, u svrhu upoznavanja šire javnosti o ostvarivanju statutarnih ciljeva i djelatnosti udruženja u skladu sa važećim propisima; te niz drugih aktivnosti.

Pripremani programi za održavanje tradicionalnih manifestacija koje su bile planirane da se održe tokom godine, izvodile su se na način da njihovo izvođenje nije predstavljalo rizik za publiku, umjetnike i zaposlenike u ustanovi kulture.

Realizovani značajni projekti

Tokom ljetnih dana na Omladinskoj ljetnoj sceni održane su predstave i koncerti na otvorenom koja nam itekako znače u ovim danima pandemije.

Ljetni dani dijaspore uz bazar u Parku Dječije aleje, iza bivšeg hotela Konjuh, te koncerti na Gradskom bulevaru.

Zatim je održan Teatarski festival “Živi FEST“ Živinice 2021.

Održan je Četvrti festival umjetnosti za djecu, Živinice 2021.

Ni ove godine, zbog pandemije korona virusa u našoj ustanovi nije održan Festival srednjoškolskog teatra koji je nekad okupljao preko 300 učesnika iz oko 20 gradova širom Bosne i Hercegovine.

S obzirom da je scenska umjetnost zajednički naziv za umjetnički izraz govorom, pokretom tijela, glumom, muzikom koje se izvode na otvorenoj pozornici u našoj ustanovi u koju se ubrajaju muzička, likovna, filmska, dramska, plesna i književna umjetnost.

Utoku 2021. godine održani su mnogi kulturno-zabavni događaji od kojih ćemo pomenuti: izložbe, koncerti, predstave, projekcije filmova, festivali, manifestacije i niz drugih aktivnosti koje će u daljem tekstu detaljnije biti opisane.

➤ *Oblast muzičke djelatnosti*

- Na Omladinskoj ljetnoj sceni u Julu mjesecu održan je Koncert vokalnih grupa Magnifiko i Libero u suorganizaciji sa Muzičko obrazovnim centrom “Magnifiko“ Živinice.

- U Septembru mjesecu u velikoj sali održan je koncert sevdaha uz “Divanhanu“.

Krajem septembra mjeseca na velikoj sceni, pored niz generalnih proba održana je Manifestacija u povodu obilježavanja 40 godina horskog pjevanja u gradu Živinice pod nazivom “Muzička sehara, poklon našem gradu“. Domaćini ove manifestacije su bili JU BKC Živinice i Gradski mješoviti hor Živinice, koji djeluje kao sekcija pri JU BKC Živinice.

Na ovoj manifestaciji pored domaćih vokalnih grupa učešće su uzeli i gosti:

- Mješoviti Hor BZK „Preporod“ – Brčko
- Mješoviti Hor Akcus „Seljo“ – Sarajevo
- Ženski vokalni ansambl „Iskre“ – Tuzla
- Vokalni ansambl – Bugojno
- Ženski Hor „Učo“ Tuzla
- Vokalna grupa „Magnifiko“ i „Libero“ – Živinice

Pokrovitelji ove manifestacije su Grad Živinice, Turistička zajednica TK i Fondacija za muzičke, scenske i likovne umjetnosti Sarajevo.

Zbog epidemiološke situacije virusa COVID-19, obuhvaćen različitim sojevima, koji je još uvijek prisutan kako u cijelom svijetu tako i kod nas, svi programi na otvorenom i zatvorenom prostoru realizovani su tako da nisu predstavljati rizik za publiku, umjetnike, zaposlenike i organizatore u ustanovi kulture.

➤ *Oblast likovne djelatnosti*

- U Februaru mjesecu u Plavoj sali povodom obilježavanja Dana maternjeg jezika i Dana nezavisnosti Bosne i Hercegovine, svečano je otvorena izložba "Iz Legata Ševket-ef. Šabić", autora Jusufa Džafića koju su organizirali JU Specijalna biblioteka Behram-beg Tuzla i JU Bosanski kulturni centar Živinice. Zaostavštinu Ševket-ef. Šabića, dugogodišnjeg imama Čaršijske džamije i muderrisa Behram-begove medrese u Tuzli, koju čuva JU Specijalna biblioteka "Behram-beg" u Tuzli, čini 1291 bibliotečka jedinica: knjige, brošure, časopisi, novine, seperati, rukopisi, kucani i rukopisni tekstovi, dokumenti, fotografije i drugi predmeti. Prilikom posjete i razgledanja Izložbe, obavezno je bilo pridržavanje svih posjetilaca naredbi i preporuka nadležnih organa, s trenutnom epidemiološkom situacijom.

Početkom marta je zatvorena izložba i Ekspoziti sa izložbe "Iz Legata Ševket-ef.Šabić", čiji je autor Jusuf Džafić iz JU Specijalna biblioteka Behram-beg Tuzla su uredno vraćeni. Izložbu je posjetilo nekoliko stotina građana. Generalni pokrovitelj Izložbe je Grad Živinice.

- U Galeriji BKC-a u maju mjesecu, Udruženje građana italijanskog porijekla "Rino Zandonai" Tuzla u suorganizaciji sa JU BKC Živinice svečano otvorili izložbu fotografija i dokumenata prikupljenih pretežno iz obiteljskih arhiva kojom je prikazan historijat dolaska italijana u BiH. Otvaranju su prisustvovali predsjednik ovog udruženja prof. dr. Tihomir Knežiček, premijer TK prof. dr. Kadrija Hodžić, i predstavnik Gradske uprave Živinice Said Čerkezović.

- U Septembru mjesecu u plavoj sali u galerijskom prostoru upriličeno je svečano otvaranje izložbe fotografija, dijelova scenografije i kostima na temu "Pozorišna umjetnost nekad i sad u Živinicama". Organizacija je bila od strane Ministarstva za kulturu, sport i mlade Tuzlanskog Kantona povodom obilježavanja Dani evropskog naslijeđa na temu „Etnologija i bosanski kulturni centri TK“.

Partneri ove manifestacije bili su:

- JU BKC Tuzla
- JU BKC Živinice
- JU BKC „Alija Izetbegović“ Kalesija
- JU BKC „Gračanica“
- JU Centar za kulturu i informisanje Srebrenik

➤ *Oblast filma i kinematografije*

- Na Omladinskoj ljetnoj sceni u Avgustu mjesecu je održano OPEN AIR – filmsko veče pod zvijezdama u organizaciji CasCader Produktion (predsjednik Armin Suljić), podrška Fondacije tuzlanske zajednice, Grada Živinice i JU BKC Živinice.

1. DAN

Svečano otvorenje Filmskog festivala je proteklo uz obraćanje Gradonačelnika Samira Kamenjakovića, Predsjednika CasCader Produktion Armina Suljića, Predstavnik Fondacije tuzlanske zajednice, Predsjednica UO CP-a Selme Omerović, Predstavnik Službe za mlade Grada Živinice, Direktor JU BKC-a Živinice Elmir Krivalić.

Muzički program: Ajla Kušljugić (vokal), Maida Mehmedčehajić (klavir).

U nastavku programa upriličena je Projekcija kratkometražnih filmova van takmičarske konkurencije:

- “Iznad želje i sna“ – CasCader Produktion BiH
- “U ogledalu“ - CasCader Produktion BiH
- “Mirza“ - CasCader Produktion BiH

2. DAN

Organizovan je obilazak Grada Živinice i ručak za učesnike i članove žirija te radionice:

- Radionica na temu “Filmsko šminkanje“ – Plava sala BKC-a
- Radionica na temu “Scenario (filmski/pozorišni) – Plava sala BKC-a
- Radionica na temu “Organizacija omladinskog događaja“ – Plava sala BKC-a

U dnevnom terminu sastanak organizacionog odbora Festivala i stručnog žirija (ocjenjivanje filmova)

U večernjem terminu upriličeno je Muzičko otvorenje druge noći Festivala.

U takmičarskom programu filmova učestvovali su:

- “Alkohol i jabuka“ BiH
- “Pismo“ SRB
- “Duga brzoprolaznost“ BiH
- “Djeca Miholjskog ljeta“ BiH
- “Osveta“ SRB
- “Vrijeme je“ BiH
- “Leptir defekt“ BiH

Po završetku projekcija filma u Plavoj sali održan je Okrugli stol učesnika, Organizacionog odbora i stručnog žirija.

3. DAN

Upriličen je sastanak žirija i predstavnika Organizacionog odbora Film Festivala i donešena je konačna odluka.

Posjetioce je zabavio Urban Open Air:

- “Živinice Graffiti Show + DJ

Tokom revijalne projekcije dokumentarnih dugometražnih filmova posjetioci su mogli pogledati.

- “Meta generacije“ BiH
- “Ovo nije HipHop priča BiH

U večernjim satima upriličena je dodjela nagrada i priznanja uz audio-vizuelni program RedBull After Party

4. DAN

Na različitim lokacijama u Gradu održani su sastanci Organizacionog odbora Film Festivala, članova Udruženja "CasCader Produktion" i partnera povodom završetka "Prvog OpenAir Festivala": Filmsko veče pod zvijezdama

U završnom dijelu zatvaranja održana je i Press konferencija za medije.

- U Oktobru mjesecu JU BKC Živinice sa distributerom Oskar film Banja Luka organizovao je četiri projekcije filma "Toma" u dva termina.

- Zatim projekciju filma za djecu "Mali šef".

- Te projekciju Filma "Nije vrijeme za umiranje" Bond.

Projekciju filmova su vršili Oskar film, Banja Luka.

U decembru je nastavljeno sa projekcijom filma Oskar filma Banja Luka u BKC-u Živinice i to:

- Projekcija filma za djecu "Prodica Adams 2"

- Projekcija filma za odrasle "10 u pola"

➤ *Oblast pozorišne umjetnosti*

- U Aprilu mjesecu, na Velikoj sceni, polaznici Dramskog studija pod rukovodstvom Adija Glavinića imali su probe za dječiju predstavu "Ružno pače".

- Polovinom aprila premijerno je odigrana predstava za djecu "Ružno pače", polaznika Dramskog studija Gradskog pozorišta Živinice pod rukovodstvom glumca Adija Glavinića.

- U Junu mjesecu u terminu od 19:30 sati Na Velikoj sceni Odigrana je predstava "Kreketaanje" Narodnog pozorišta Tuzla u režiji Aleša Kurta.

- Premijerno je odigrana predstava "Bosanski špijun", Gradskog pozorišta "Scena" Živinice u terminu od 19:30 sati.

- Poslije nekoliko dana, na inicijativu živiničke publike odigrana je prva repriza predstave "Bosanski špijun", Gradskog pozorišta "Scena" Živinice u terminu od 19:30 sati.

- Predstavnici Dramskog studija Gradskog pozorišta Živinice pod rukovodstvom glumca Adija Glavinića, u dva termina odigrali su predstavu za djecu "Ružno pače"

- Istog dana odigrana je predstava za djecu "Noćna bajka" u kojoj igraju djeca iz Dramskog studija GP Živinice pod rukovodstvom Emira Ibrahimovića. Predstava je odigrana u terminu od 19:30 sati na Velikoj sceni BKC-a Živinice.

- U Avgustu mjesecu, na Omladinskoj ljetnoj sceni u večernjem terminu odigrana je monodrama "Kakva ti je žena, takav ti je život", komičara Dragana Marinkovića Mace.

- JU BKC Živinice je uzela učešće 15. Oktobra u obilježavanju "Socijalni dan 2021." sa Asocijacionom srednjoškolaca u Bosni i Hercegovini. JU BKC Živinice je dala priliku da 3 učenika i SMSŽ Živinice (Medicinski tehničari) radno provedu jedan dan u našoj ustanovi.

- Javna ustanova Bosanski kulturni centar Živinice je zadnje subote u Novembru mjesecu obilježila Noć tatra u BiH, predstavom "Kuća bez vrata", Gradimira Gojera u produkciji BKC TK. Na poziv Bosanskog narodnog pozorišta Zenica koji je kordinirao Evropskom manifestacijom "Noć teatra – Noć teatra BiH 2021." Za područje Bosne i Hercegovine.

➤ *Ljetni Dani dijaspore "Ljeto u Živicama", Živinice 2021.*

U Gradskom parku Konjuh Živinice (Aleja dječije igre) 30. Jula svečano je otvorena Manifestacija Ljetni Dani dijaspore – Ljeto u Živicama uz Bazar i „Internacionalna kuhinja u Živicama“ na kojoj su učešće uzele mnoge zemlje iz regiona i širom Svijeta. To je zaista bio nesvakidašnji događaj kroz koji je Grad Živinice imao priliku ugostiti austrijsku ambasadoricu Urlike Harmann, koja je ujedno i podržala cjelokupno održavanje manifestacije „Dani dijaspore“. Izuzetno veliku pažnju je privukla i atletska trka, kao i biciklistički događaj koji su održani drugog dana Manifestacije. Naime, Grad Živinice kroz trku „Živinice za 10“ ugostio je trkače iz 20 gradova naše države Bosne i Hercegovine, kao i zemalja regije. Generalni pokrovitelj Manifestacije je Grad Živinice.

U večernjem periodu drugog dana Manifestacije građani su imali priliku uživati na Koncertu pod zvijezdama. Koncert pod zvijezdama je jedan od mnogih kulturno-umjetničkih događaja koji je u okviru manifestacije "Dani dijaspore-Ljeto u Živicama" održan na Omladinskoj ljetnoj sceni. Publika je imala priliku uživati u fantastičnom nastupu orkestra Balsika i TNT grupe.

Zadnji dan pomenute manifestacije bio je rezervisan za čuvare tradicijske kulture Veče sevdaha i folkloru čime su zvanično i zatvoreni Ljetni dani dijaspore – Ljeto u Živicama. Udruživanjem građana u društva koja su reprezentanti nacionalne bosanske i hercegovačke kulturne baštine i naslijeđa buduće generacije će imati priliku upoznati se sa kulturom koju su negovali naši preci. Ovu noć svojim izvedbama uljepšali su: KUD Živinice, KUD "Modrački mornari" Šerići, Gradski mješoviti hor Živinice, vokalne grupe Magnifiko i Libero i Udruženje sazlija "Sevdah" Živinice. Repertoarom i koreografijama učesnika prikazana je vrijednost tradicije kulture, nošnje, plesa i pjesme naše države Bosne i Hercegovine.

Ti dani tokom ove manifestacije bili su prepuni raznovrsnih događaja održanih u okviru manifestacije „Dani dijaspore“, a koji su doprinijeli veliki značaj u kulturno-umjetničkom životu našeg grada.

Zhvaljujući modernom zdanju Omladinske ljetne scene publika je pod otvorenim nebom mogla uživati u prekrasnom ambijentu i fantastičnoj muzici. Riječ je o ljetnom atriju koji je izgrađen isključivo u svrhu popularizacije raznih oblika umjetnosti.

Kulturno-umjetnički program u okviru Dana dijaspore se izvodio na Omladinskoj ljetnoj sceni koja je svojom posebnom arhitekturom doprinijela fantastičnom ambijentu održavanja zamišljenih događaja.

Promocija kulture u okviru Manifestacije „Dani dijaspore – Ljeto u Živinicama“ predstavljala je jedan od značajnijih ciljeva Grada Živinice i organizatora i suorganizatora pomenute manifestacije. Osnovni cilj svih nas i jeste približiti pozorišnu i muzičku scenu građanima, te ih na taj način uvesti u svijet kulture. Posebnost ovogodišnje Manifestacije jeste u tome što se, na inicijativu građana, po prvi put održala u ljetnom periodu što se pokazalo izvandrednim potezom. Sve što je dobro i pozitivno za Grad Živinice nastojat ćemo i u budućnosti nadograđivati kako bi našim građanima pružili samo ono najljepše.

U Junu mjesecu na Omladinskoj ljetnoj sceni obilježen je 19. Jun, Dan Grada Živinice uz prigodan kulturno-zabavni program uz dodjelu priznanja, u terminu od 14:30 sati.

➤ ***Internacionalni, međunarodni teatarski festival
“Živi FEST“, Živinice 2021. u periodu od 21. 10. – 29. 10. 2021.godine***

Polovinom Oktobra mjeseca Održana je PRESS konferencija u povodu Internacionalnog Festivala “Živi FEST“, Živinice 2021.

U oktobru mjesecu svečano je otvoren Internacionalni festival “Živi FEST“ Živinice 2021. koji je trajao devet dana. Ovaj Festival je plod četverogodišnje manifestacije Četvrtkom u pozorište koji je održan petu godinu zaredom, izrastao u jedan međunarodni, internacionalni festival pod nazivom “Živi FEST“ Živinice 2021. Ova manifestacija konstantno podstiče i unapređuje umjetnost kroz muzičko-dramski i filmski performans, predstave za odrasle različitih umjetnika iz raznih zemalja. Ljubitelji scenske umjetnosti, iako uz ograničen broj posjetilaca zbog epidemiološke situacije, uživali su u različitim žanrovima umjetnosti i umjetničkih izvođenja.

Generalni pokrovitelji ovog festivala su Grad Živinice i Fondacija za muzičku, scensku i likovnu umjetnost Sarajevo.

REPERTOAR FESTIVALA:

- Festival je otvoren predstavom “Sakati Billy sa Inišmana“, Bosansko narodno pozorište Zenica.
- Drugi dan festivala igrala je predstava “Ja od jutra nisam stao“, Hrvatsko narodno pozorište Mostar
- Treći dan festivala igrala je predstava “Ništa nas ne smije iznenaditi“, Pozorište mladih Sarajevo.
- Četvrti dan festivala igrala je predstava “Neće biti smak svijeta“, Sarajevski ratni teatar i Makedonski narodni teatar.
- Peti dan festivala igrala je predstava “Kovači“, Narodno pozorište Kikinda.
- Šesti dan festivala igrala je predstava “Heroj nacije“, Narodno pozorište Mostar.

Sedmi dan je odgođeno igranje predstave zbog Dana žalosti u Federaciji BiH i Distrikta Brčko, zbog tragičnog stradanja sedmočlane porodice izazvane požarom u obiteljskoj kući u Brčkom.

- Osmi dan festivala igrale su dvije predstave i to “Amerika“, pozorište D21 Prag, Češka Republika i predstava “Ivanovo samoubistvo“, Gradsko pozorište Semberija.
- Deveti dan, festival je zatvoren predstavom “Bosanski špijun“, Gradsko pozorište “Scena“ Živinice

Nakon odigranih osam predstava u takmičarskoj selekciji Internacionalnog festivala “Živi FEST“ Živinice 2021. koje su i nagrađene od strane stručnog žirija i publike igrala je i predstava našeg Gradskog pozorišta Živinice koja nije ušla u takmičarski dio.

Žiri u sastavu Vlado Kerošević, predsjednik, te Ljiljana Čekoć i Almir Bašović članovi, donijeli su sljedeću odluku o dodjeli nagrada:

- Nagrada za najbolju predstavu dodijeljena je Pozorištu mladih Sarajevo i Internacionalnom festivalu MESS Sarajevo za predstavu “Ništa nas ne smije iznenaditi“, po tekstu Nejure Babić i Aleša Kurta, u režiji Aleša Kurta.
- Nagrada za najbolju glumicu ravnopravno je dodijeljena
 - Belmi Lizde Kurt za ulogu u predstavi „Ništa nas ne smije iznenaditi“, u režiji Aleša Kurta, u produkciji Pozorišta mladih Sarajevo i Internacionalnog festivala MESS Sarajevo, i
 - Dariji Rizovoj za ulogu u predstavi “Neće biti smak svijeta“, po tekstu Adnana Lugonjića, u režiji Nine Nikolik, u produkciji SARTR-a i Sarajevo i Makedonskog narodnog teatra iz Skoplja.
- Nagrada za najboljeg glumca dodijeljena je Saši Hadžiću za ulogu u predstavi “Neće biti smak svijeta“, u režiji Nine Nikolik, u produkciji SARTR-a Sarajevo i Makedonskog narodnog teatra iz Skoplja.

Žiri je iskoristio svoje pravo da, osim glavnih nagrada predviđenih pravilnikom Internacionalnog festivala “Živi fest“ Živinice, dodijeli i sljedeće specijalne nagrade:

- Specijalna nagrada za režiju dodijeljena je Nini Nikolik, za režiju predstave “Neće biti smak svijeta“, u produkciji SARTR-a Sarajevo i Makedonskog narodnog teatra iz Skoplja.
- Specijalna nagrada za kolektivnu glumačku igru dodijeljena je glumačkom ansamblu predstave “Amerika“, rađene po tekstu Franza Kafke i Ondreja Štefanaka, u režiji Ondreja Štefanaka, u produkciji Divadla D21 iz Praga, Češka Republika.
- Specijalna nagrada za glumačko ostvarenje dodijeljena je Dženani Džanić za ulogu u predstavi “Neće biti smak svijeta“, u produkciji SARTR-a Sarajevo i Makedonskog narodnog teatra iz Skoplja.
- Specijalna nagrada za mladu glumicu dodijeljena je Mariji Novaković za ulogu u predstavi “Ivanovo samoubistvo“, po tekstu Antona Pavloviča Čehova i Davida Alića u režiji Davida Alića, u produkciji Gradskog pozorišta Semberija, Bijeljina.

Nakon odigranih osam predstava u ocjeni publike svake predstave od 1 do 5 tokom Internacionalnog festivala "Živi FEST" Živinice 2021. žiri u sastavu: Amira Ahmetović, predsjednik, te Jasmina Šabanović i Enisa Avdibašić, članovi žirija brojanjem kartica sa zaokruženim ocjenama ustanovile su sljedeće:

Procentualno najveća ocjena 4,96(551) od strane publike je dobila predstava "Kovači", po tekstu Adnana Lugonjića i reditelja Tijane Vasić, Narodnog pozorišta Kikinda / SRB

➤ **Četvrti Festival umjetnosti za djecu, Živinice 2021. u periodu od 09. 12. – 16. 12. 2021.**

Pokrovitelji Četvrtog festivala umjetnosti za djecu, Živinice 2021. su Federalno ministarstvo kulture i sporta, Ministarstvo za kulturu sport i mlade TK i Grad Živinice.

Četvrtu godinu zaredom je organizovan Festival umjetnosti za djecu. Ove godine u ovom iznimno teškom periodu, koji je uz nas kada je pandemija bolesti COVID-19 promijenila ustaljeni način života na globalnom nivou, svi planovi se teško realiziraju u planiranom roku i terminu. Realizacija Četvrtog Festivala umjetnosti za djecu, Živinice 2021. bila je planirana za juni mjesec. Razlozi su nedostatak vlastitih finansijskih sredstava, zbog kasnijeg priliva sredstava od Ministarstava od kojih su tražena sredstva za ovaj festival, zatim ljetni odmor za glumce te ljetni raspust za učenike osnovnih škola sa kojima surađujemo kroz Javne pozive za učešće na kreativnim radionicama i likovnim i literarnim radovima te otvaranja pozorišne sezone u oktobru mjesecu tradicionalnim Festivalom Četvrtkom u pozorište koji je ove jubilarne pete godine prerastao u internacionalni "Živi FEST" Živinice 2021.

Kako bi djecu i mlade potaknuli da osvijeste i obrate pažnju na važnost očuvanja zdravlja i odbace moguće nezdrave navike provođenja velikog dijela slobodnog vremena u zatvorenom prostoru samostalno uz internet, televiziju i raznorazne internetske igrice a imaju ponuđenu mogućnost da se opredijele na druženje sa svojim vršnjacima u kinu, bioskopu, kreativnim radionicama i drugim aktivnostima što im nudimo kroz realizaciju Festivala. Sama najava održavanja IV festivala umjetnosti za djecu je od velike važnosti za pozornost da se za mališane nešto organizuje u njihovom Gradu te da i sami u tome mogu učestvovati i dati svoj doprinos i zalaganje.

Osjetila se velika zainteresiranost samom objavom Javnog poziva na fb stranicama JU BKC Živinice, BKC Živinice i Gradske biblioteke Živinice za učešće učenika od VI-IX razreda osnovnih škola za natječaj sa likovnim i literarnim radovima na temu "Moji snovi", te prijave na besplatne kreativne radionice iz oblasti dramske, muzičke i likovne umjetnosti uz stručne predavače i ugodno druženje s djecom iz ostalih osnovnih škola sa područja našeg Grada. Zbog epidemiološke situacije i mjera koje su na snazi broj učesnika na kreativnim radionicama je nažalost bio ograničen.

Festival umjetnosti za djecu je važan izraz ljudske aktivnosti koji doprinosi društvenom i kulturnom životu uopšte. Ovaj festival prvenstveno je posvećen estetskom odgoju djece i mladih koja potiče i prezentira stvaralaštvo djece i stvaralaštvo za djecu. Ove godine festival nije natjecateljskog karaktera i nije postojao način vrednovanja predstava. Tokom cijelog trajanja festivala programski sadržaj se prvenstveno odnosi na zainteresiranost najmlađe publike da pogledaju nešto novo što je za njih interesantno i privlačno. Festival umjetnosti za djecu se održava tradicionalno već četvrtu godinu zaredom i traje jednu do dvije sedmice, u zavisnosti od finansijskih sredstava.

Mi se nadamo u narednom periodu da ovaj festival možemo proširiti na Međunarodnom ili Internacionalnom nivou kako bi dobili na što većem značaju koji naši najmlađi i zaslužuju. Nažalost, zbog epidemiološke situacije sve ga više organizujemo na lokalnom nivou koji udovoljava zahtjevima javnih potreba u obavljanju kulturne djelatnosti i definira kriterije i standarde uspješnog festivalskog programa. Iz tog aspekta možemo konstatovati da se radi o jedinstvenom događaju dječijeg stvaralaštva i stvaralaštva za djecu.

Potrebno je što više naglašavati i zalagati se za važnost kulturnih zbivanja pozorišta za djecu i mlade, dramsko scenske nastupe, koncerata za djecu i niz kvalitetnih, edukativnih programa koje treba ponuditi našim najmlađim i omogućiti im učestvovanje u samom programu i pratećim sadržajima.

Otvaranje Četvrtog Festivala umjetnosti za djecu, Živinice 2021. je bio planiran 7. decembra ali zbog proglašenja Dana žalosti u našem Gradu, zbog nesreće dva rudara od kojih je jedan smrtno stradao u RMU Đurđevik Živinice, otvaranje festivala je odgođen za 9. decembar.

PROGRAM FESTIVALA

- Festival je svečano otvoren predstavom za djecu "Aladdin", Javna ustanova Kulturno-sportski centar Kakanj, u režiji Mirza Bajramović;
Predstava je spoj teksta u rimi, klasične muzike, pleas, šarenih kostima i bajkovite scenografije.
Ovaj veliki projekat rađen je u produkciji JU KSC Kakanj i u koprodukciji sa Udruženjem "FANI" iz Sarajeva i u saradnji sa Baletnom školom "Ars" iz Zenice.
- Održane su kreativne radionice iz oblasti dramske, muzičke i likovne umjetnosti u prostorijama BKC-a Živinice u trajanju od 45-60 minuta. Radovi sa likovne radionice su izloženi u Galeriji BKC-a kako bi ih publika tokom festivala mogla pogledati. Svim učesnicima radionica uručene su zahvalnice za učešće uz sokiće i slatkiše. Mališani su uživali na radionicama družeći se sa svojim vršnjacima.
Voditelji radionica:
 - Dramska radionice Adnan Džekić za 11 učesnika – Velika pozorišna scena;
 - Muzička radionice – harmonika prof. Haris Muminović za 7 polaznika – Plava sala;
 - Likovna radionice (tehnika-boja) profesorice Hukić Glamočak Senka i Turbić Mahmutović Merima za 13 polaznika – Dječiji odjel biblioteke;
- Tokom festivala odigrana je predstava za djecu "Potraga za konačištem", GP Živinice, u režiji Irfan Kasumović
Predstava za djecu "Potraga za konačištem" , autorski je projekat, maštovite scenografije, muzike, originalnih kostima i niza duhovitih i edukativnih scena. Priča je to o dva lika koji tragaju za konačištem da konačno odmire od silnih putešestvija, ali umor ih sustiže i oni pjesmom, igrom i pričom pokušavaju razbuditi se i dobiti dodatnu energiju da dođu tamo gdje su naumili. Za mališane je to poučna priča o upornosti za dostignućem onog što hoće da ostvare.
- U Dječijem odjelu biblioteke upriličena je dodjela nagrada za I, II i III mjesto osvojeno na natječaju likovnih i literarnih radova, te još tri nagrade za literarni rad. Uz ugodno druženje učenika, nastavnika i roditelja koji su bili u pratnji svoje djece, razmijenjena su mnoga iskustva, izražene želje i nada za buduću saradnju što nam je naravno i cilj uspostaviti što veću saradnju sa svim osnovnim školama sa područja Grada Živinice u raznim kulturnim, kreativnim i edukativnim aktivnostima.

Mi se iskreno radujemo narednom susretu u skorije vrijeme, sa novim idejama i zajedničkim aktivnostima.

- U Javnoj Ustanovi Bosanski kulturni centar Živinice održan je radni sastanak sa direktorima osnovnih škola Živinice. Na sastanku je direktor JU BKC Živinice, Mevludin Ferhatović upoznao prisutne o programu rada i cilju saradnje osnovnih škola sa BKC-om Živinice u narednom periodu.

Na zadovoljstvo svih prisutnih dogovoreni su mnogi planovi saradnje u narednom periodu i učešće učenika u svim aktivnostima kroz kulturni, kreativni i edukativni rad iz raznih oblasti umjetnosti te posjete učenika u narednom periodu kinu i pozorištu, s nadom na poboljšanje epidemioloških mjera. Direktorima škola su uručene zahvalnice za ostvarenu saradnju i podršku razvoja kulture i umjetnosti u našem gradu, učešćem učenika na kreativnim radionicama iz oblasti dramske, muzičke i likovne umjetnosti, te natječaju likovnih i literarnih radova tokom IV festivala umjetnosti za djecu, Živinice 2021.

- Održan je i spektakularni koncert za djecu Latif Moćević i Mravko Travko Dramsko-scenski nastup Latifa Moćevića i Mravka Travka osim zabave za mališane uči ih onim najljepšim vrijednostima. Mravko Travko koji sa mališanima priča i mravljim jezikom bili su još veseliji, razigraniji, raspjevaniji i spremniji nego ikada. Sa malom rajom uče o dobroti i svakako o svim onim vrijednostima koji trebaju da krase ljude. Mala raja a i njihovi roditelji uživali su u druženju sa Latifom i Mravkom Travkom.
- Festival je zatvoren predstavom "Ružno Pače" GP Živinice u režiji Adi Glavinić. U predstavi igraju polaznici Dramskog studija Živinice koja je namijenjena učenicima nižih razreda Osnovne škole. To je legendarna priča koja je napisana još prije više od 200 godina i nosi bezvremensku i sjevremensku poruku za sve generacije, o motivima istoimene bajke Hans Cristian Andersen. Poruka je da se u jednom trenutku života osjećali drugačijim, neprihvaćenim i neshvaćenim, baš kao "Ružno pače". Ali različitosti su baš te koje nas čine posebnim i ne trebamo da ih se stidimo.

Ostala događanja u JU Bosanski kulturni centar Živinice tokom 2021.godine

- Javna ustanova Bosanski kulturni centar Živinice tokom 2021.godine je ustupila prostore velike i plave sale mnogim udruženjima i organizacijama koje su iskazale potrebu za održavanje prezentacija, sastanaka, skupova i tome sl. Također je prostor korišten za probe GMH Živinice, za premijere predstava GP Scena Živinice i niz drugih aktivnosti.

Aplicirani projekti na Javne pozive te Narativni i finansijski izvještaji za pravdanje realiziranih projekata iz oblasti kulture u BiH tokom 2021. godine.

- 11. 01. 2021. - Poslali pravdanje za realizovani projekat "Treći Festival umjetnosti za djecu", Živinice 2020. Ministarstvo za kulturu, sport i mlade Tuzlanskog kantona. Datum uplate sredstava je izvršen 31. 12. 2020. godine pa je zbog toga pravdanje prešlo u narednu godinu.
- 08. 02. 2021. – Poslali ponovo Finansijski izvještaj Federalnom ministarstvu kulture i sporta za projekat "Treći Festival umjetnosti za djecu" Živinice 2020. uz obrazloženje da smo pravdanje za realizirani projekat poslali u zakonskom roku 30. 12. 2020. preporučenom pošiljkom koja iz nepoznatih razloga nije dospjela na adresu Ministarstva.
- 30. 03. 2021. – Aplicirali smo na Javni poziv Federalnog ministarstva kulture i sporta, koji je izašao 12. 03. 2021.godine objavljen kao "Transfev za kulturu od značaja za Federaciju BiH", pod nazivom "Četvrti festival umjetnosti za djecu" Živinice 2021. Odobrena sredstva od FMKS ZA Četvrti festival umjetnosti za djecu, Živinice 2021. su **3.000,00 KM** objavljena na stranici ministarstva 9. 05. 2021. godine.

24. 12. 2021. – Poslali Finansijski i narativni izvještaj za Federalnom ministarstvo kulture i sporta za "Četvrti festival umjetnosti za djecu, Živinice 2021.". Iznos sredstava je 3.000,00 KM.
- 20. 04. 2021. – Poslali molbu za potvrdu i preporuku MZKSM TK i TZTK za značaj projekta "Teatar fest" Živinice 2021. koja nam je potrebna da priložimo kao ostala dokumentacija koja se boduje aplikacijom na Konkurs Fondacije za muzičke, scenske i likovne umjetnosti Sarajevo. Dobili smo potvrdu potpisanu i ovjerenu od Ministarstva.
- 28. 04. 2021. – Aplicirali na Javni poziv Federalnog ministarstva obrazovanja i nauke Mostar (FMON) koji je objavljen na stranici ministarstva 19. 04. 2021. Naznačen za dodjelu podrške programima i projektima institucija nauke i kulture od značaja za BiH u 2021. godini za projekat "Četvrti festival umjetnosti za djecu", Živinice 2021. Od ovog ministarstva nismo dobili podršku.
- 04. 05. 2021. – Aplicirali na Konkurs/Natječaj za izbor korisnika sredstava Fondacije za muzičke, scenske i likovne umjetnosti Sarajevo za 2021. godinu (FMSLU) koji je objavljen 12. 04. 2021. naznačen za 2. Projekti, programi i manifestacije scenske umjetnosti od značaja za Federaciju BiH za projekat "Teatar fest", Živinice 2021. (Odobrena sredstva od Fonacije su **8.000,00 KM.**) Projekat je realiziran u periodu od 21. 10. – 29. 10. 2021.godine.

12. 11. 2021. – Poslali Finansijski i narativni izvještaj za pravdanje Fondaciji za muzičke, scenske i likovne umjetnosti Sarajevo za 2021.godinu za projekat "Teatar

fest“, Živinice 2021. sa svim uplaćenim računima, fotografijama, isječcima objavama u iznosu od 8.000,00 KM.

- 04. 05. 2021. – Aplicirali na Konkurs/Natječaj za izbor korisnika sredstava Fondacije za muzičke, scenske i likovne umjetnosti Sarajevo za 2021. godinu (FMSLU) koji je objavljen 12. 04. 2021. naznačen za 1. Manifestacije, programi i projekti muzičke kulture od značaja za Bosnu i Hercegovinu i Federacije Bosne i Hercegovine za projekat Manifestacija /koncert povodom 40 godina od osnivanja Mješovitog gradskog hora Živinice pod nazivom “ Muzička sehara – poklon našem gradu“. GMH Živinice je sekcija pri JU BKC Živinice. (Odobrena sredstva su **3.000,00 KM.**)
- 13. 10. 2021. – Poslali Finansijski i narativni izvještaj za pravdanje Fondaciji za muzičke, scenske i likovne umjetnosti Sarajevo za 2021. godinu sa svim uplaćenim računima, fotografijama, isječcima objavama i DVD-om. Nisu prihvatili cjelokupan izvještaj, tražili su dopunu.
- 4. 11. 2021. – Poslali smo Dopunu Finansijskog i narativnog izvještaja za pravdanje Fondaciji za muzičke, scenske i likovne umjetnosti Sarajevo za 2021. godinu sa svim dodatnim uplaćenim računima, naznačen za 1. Manifestacije, programi i projekti muzičke kulture od značaja za Bosnu i Hercegovinu i Federacije Bosne i Hercegovine za projekat Manifestacija /koncert povodom 40 godina od osnivanja Mješovitog gradskog hora Živinice pod nazivom “ Muzička sehara – poklon našem gradu“. Opravdali smo sredstva od 3.000,00 KM. Ponovo su tražili dopunu za pravdanje.
- 1. 12. 2021. - Poslali smo ponovo Dopunu Finansijskog i narativnog izvještaja za pravdanje Fondaciji za muzičke, scenske i likovne umjetnosti Sarajevo za 2021. godinu sa svim dodatnim uplaćenim računima, naznačen za 1. Manifestacije, programi i projekti muzičke kulture od značaja za Bosnu i Hercegovinu i Federacije Bosne i Hercegovine za projekat Manifestacija /koncert povodom 40 godina od osnivanja Mješovitog gradskog hora Živinice pod nazivom “ Muzička sehara – poklon našem gradu“. Opravdali smo sredstva od 3.000,00 KM.
- 19. 05. 2021. – Aplicirali na Javni poziv za finansiranje i sufinansiranje programa/projekata nevladinih organizacija iz Budžeta Grada Živinice za 2021. godinu koji je izašao 7. 05. 2021. za projekat “Teatar fest“, Živinice 2021.
- 22. 06. 2021. – Aplicirali za Program dodjele sredstava za sufinansiranje programa/projekata Manifestacije kulture i izdavačke djelatnosti od strane Ministarstva za kulturu, sport i mlade Tuzlanskog kantona koji je objavljen 16. 06. 2021. na oficijelnoj stranici Ministarstva. Naziv projekta je “Četvrti festival umjetnosti za djecu“ Živinice 2021. Objavljena odluka o odobravanju finansijskih sredstava, korisnicima, za sufinansiranje manifestacija kulture programa/projekata. (Odobrena sredstva iznose **4.000, 00 KM.**)
- 28. 12. 2021. – Poslali Finansijski i narativni izvještaj Ministarstvu za kulturu sport i mlade Tuzlanskog kantona za “Četvrti festival umjetnosti za djecu, Živinice 2021.“. Iznos sredstava je 4.000,00 KM.

- 16. 07. 2021. – Aplicirali na Javni oglas za dodjelu donacija “JP BH POŠTA“ d.o.o. Sarajevo u 2021. godini koji je objavljen 12. 07. 2021.godine za projekat Četvrti festival umjetnosti za djecu, Živinice 2021. Nsu objavljeni rezultati.
- 10. 11. 2021. – Poslali Novi projekat “Opremanje konferencijske sale u JU BKC Živinice“, na email adresu EUFOR u BiH LOT Zavidovići sa novim predračunima. Email: eufor.lotzavidovići@gmail.com. Nema još nikakvih informacija o prihvatanju projekta.

➤ *Odjeljenje Gradske biblioteke Živinice*

Gradska biblioteka je 2021. godine realizirala 42 aktivnosti.

Prošle godine je Biblioteka napisala 2 projekata, odnosno aplicirala na 2 konkursa za dodjelu sredstava za razvoj kulture, koje su raspisali ili potraživali Fondacija za bibliotečku djelatnost Sarajevo i Raiffeizen banka.

Realizirala je 1 projekatza koja su odobrena sredstva, a čiji su pokrovitelji Fondacija za bibliotečku djelatnost. Po ovom projektu nabavljena je oprema za Biblioteku: Računar u vrijednosti od 1599, 00KM. Po projektu od Raiffeizen banke na temu „ Profesionalna orijentacija“, nisu odobrena sredstva.

Realizovan je projekat od Fondacije za izdavaštvo od 2020. godine - Zvučna knjiga „ Ples u svemiru“.

Uprilичeno je 6 promocija knjiga slijedećih autora: Mire Boro (Živinice), Amre Mujezinović (Živinice), Halila Bedića (Živinice), Kadife Tahirović Murajčić (Bihać), HKD Napredak Živinice i Mirele Šišić Sakić. (Živinice – Njemačka).

Uprilичene su i 2 online promocije knjiga autora Mehmeda Đedovića (Kalesija) i Ervina Mujabašića (Živinice), kao i 2 osvrta na knjige Nedžada Ibrahimovića (Tuzla) i Devle Aliustić (Živinice).

Održano je 8 sastanaka Kluba čitalaca.

Upriličeni su 5 online događaja:

- Prilog o Gradskoj biblioteci Živinice pod nazivom *Knige u karantinu 72 sata!* Prilog uradio Emir Nišić. Objavljeno na FB- stranici. Izajvu dala: Amra Mujezinović.
- Online obilježen Svjetski dan knjige i autorskih prava.
- Online obilježen Međunarodni dan pisanja pisma.

- Video Poetski hommage žrtvama genocida u Srebrenici. Tekst: Amra Mujezinović, Melida Travančić, Anisa Pašić; montaža: Jasmin Ćatić; glas: Elmir Krivalić, foto: Jasminko Razić, produkcija: Gradska biblioteka Živinice i Televizija Živinice; video podijeljen na FB-stranicama JU BKC Živinice.
- Online obilježen Mjesec bosanske pismenosti.
- Online Manifestacija „Sjećanje na Aliju Arifa Delića“: Predstavljanje Zavičajne zbirke i projekcija filma Pjesnik zavičaja Alija Arif Delić.
- Obilježen online Evropski dan jezika.
- Online postavka za naše članove i pratioce biblioteke da povodom Mjeseca knjige napišu neki stih, pjesmu, asocijaciju na knjigu...
- Tekstom na našoj stranici obilježili smo Nacionalni dan svjesnosti o bibliotekama u Bosni i Hercegovini.

- Gradska biblioteka objavljuje Javni poziv za literarni i likovni rad učenicima osnovnih škola uzrasta od 6 do 9 razreda. Tema na koju su učenici pisali i slikali je *Moji snovi*.

- Rezultati Javnog poziva za literarni i likovni rad. Osnovne škole čiji su učenici uzeli učešće po Javnom pozivu su: Druga osnovna škola Živinice, OŠ Gračanica, Prva osnovna škola Živinice, OŠ Šerići, OŠ Živinice Gornje.

Komisija je odlučila na slijedeći način (literarni radovi):

1. Almedina Pandurović - VI C - JU „OŠ Gračanica“ Živinice,
2. Adna Šehić - IX D - JU Druga osnovna škola Živinice,
3. Iman Kurtović - VIII - JU „Prva osnovna škola Živinice“.

Pored radova koji su osvojili prva tri mjesta komisija je odlučila da nagradi još tri rada sa približnim brojem bodova nagrađenih učenika: Ismar Muminović - IX C - JU Druga osnovna škola Živinice, Lana Kamberović - IX A - JU „OŠ Šerići“ i Ajna Mušić - VI C - „OŠ Gračanica“, Živinice.

Promocijama knjiga i književnim druženjima živiničkoj čitalačkoj publici su predstavljeni autori s Tuzlanskog kantona, Bosne i Hercegovine pa i Evrope, koji su postigli književne uspjehe na međunarodnoj i bh. književnoj sceni kao i mlade živiničke književne nade.

U toku 2021. godine organizirane su dvije grupne posjete Biblioteci: posjeta učenika JU Osnovna škola Đurđevik, područna škola Stari Đurđevik, sa svojim razrednicama Arminom Žigić i Jasminom Halilović, te posjeta odgojne grupe Leptirići PU Mery Isabel i njihovih odgajateljica.

U cilju promoviranja Biblioteke kao kuće znanja, pored toga što su upriličene promocije knjiga i književna druženja, svaki književni događaj koji je upriličila Gradska biblioteka medijski je prpratila Televizija Živinice, kao i portali. U njima se govorilo o važnosti biblioteka, načinu funkcioniranja Biblioteke, dala se preporuka knjiga za čitanje, i sl.

Kako bi omogućila da čitaju i oni koji nemaju novca te povećala svoje članstvo, Biblioteka je u prošloj godini na jedan dan dala mogućnost zainteresovanima da se u nju besplatno učlane.

Najveća posjećenost tokom besplatnog upisa bila je od strane učenika MSŠ Živinice koji su sa profesorima Redžom Butkovićem i Seadom Noćajevićem organizovali masovni dolazak na besplatan upis u Biblioteku.

Biblioteka je prošle godine uspostavila saradnju s Fondacijom Hastor te su stipendisti navedene fondacije jedan dan volontirali u našoj biblioteci.

U Dječije odjeljenje Gradske biblioteke upisano je 134 člana, od toga 49 dječaka i 85 djevojčica. Što se čitalačkih kategorija tiče, upisano je 132 osnovaca i 2 djece predškolskog uzrasta.

U Odjeljenje za odrasle upisano je 314 članova, od toga 235 žena i 79 muškarca. Što se tiče čitalačkih kategorija, upisano je 168 srednjoškolaca, 28 student, 55 zaposlene osobe, 25 nezaposlenih osoba i 38 penzionera.

U Biblioteku su ukupno upisana 448 članova, 128 muškaraca i 320 žena.

Najaktivniji čitalac u 2021. godini je gospodin Suad Fehrić, koji je u navedenoj godini pročitao 52 knjige.

Da bi se povećao broj korisnika bibliotečkih usluga, potrebno je, prije svega, imati dovoljan broj knjiga za potencijalne čitaoce. Finansijska sredstva koje naša ustanova može izdvojiti za nabavku knjiga nisu dovoljna za nabavku svih onih naslova koje tržište zahtijeva, a to se pokazalo tačnim i prošle godine. Npr. 2021. godine Biblioteka je nabavila 545 knjiga od čega su 290 poklonili građani, 32 izdavači, 40 autori, Fondacija za bibliotečku djelatnost 75, Fondacija za izdavaštvo 69, NUB Derviš Sušić 4 knjige, 21 knjiga na stranim jezicima koje su poklonili građani, dok je JU BKC Živinice svojim sredstvima kupio samo 14 knjiga. Zahvaljujući Fondaciji, Biblioteka dobija novije naslove bh. književne produkcije, ali da bi zadržala čitaoce, Biblioteka mora nabavljati i naslove strane produkcije koji su aktuelni kao i imati dovoljan broj lektira za svakog učenika koji joj se radi njih obrati.

Po projektu od Foncije za bibliotečku djelatnost, Biblioteka je dobila sredstva za nabavku računara čime je u Dječijem odjeljenju unaprijedila rad sa korisnicima.

Biblioteka nije samo mjesto gdje se pohranjuju i posuđuju knjige, već gdje se mladi i nešto stariji druže, razmjenjuju ideje i relaksiraju.

- ***Odjeljenje Gradskog mješovitog hora Živinice koji djeluje kao sekcija JU Bosanski kulturni centar Živinice***

Izveštaj o radu Gradskog mjesovitog hora Živinice 2021.

- U Januaru 2021 održano 8 proba i jedan nastup na promociji knjige Mire Boro i jedan dan snimali spot.
- U Februaru održano 8 proba, snimanje spota i 2 nastupa i to nastup u povodu Dana osnivanja Biblioteke Zivinice i promocija knjige Sevdah, Nastup za TKTV u Restoranu Bardak
- U Martu održano 9 proba
- U Aprilu održano 9 proba i jedan nastup na TK TV u Studiju uTuzli
- U Maju održano 6 proba i jedan nastup za TV Živinice
- U Junu održano 8 proba i jedan nastup za Dan Živinica
- U Julu održano 7 proba i 4 nastupa i to Jedan u Baricama za TV Živinice u povodu Bajramskog programa, drugi nastup na koncertu 40 godina horskog pjevanja u Živinicama, treći nastup za Dane dijaspore u Živinicama i cjelovečernji program u Kalesiji.
- U Augustu održane 3 probe i jedan nastup za Dane dijaspore u Zivinicama
- U septembru održano 10 proba i dva nastupa.

25 septembra 2021.godine održana je manifestacija u povodu 40 godina od osnivanja Gradskog mjesovitog hora Živinice na kome su uzeli učešća horovi iz Sarajeva, Tuzle, Bračkog, Bugojna i Živinica.

- U Oktobru održano 6 proba i 4 nastupa: u Tuzli, Etno avlija Banovići, Šerići i Živinice.
- U Novembru održano 8 proba
- U Decembru održano 9 proba i 6 nastupa i to u Kladnju i u Zivinicama, advent u Živinicama i Lugu, Božićni koncert i promocija knjige Mirele Šišić Sakić u BKCu Živinice.

Osim proba, sa komisijama smo radili u pravljenju programa za obilježavanje 40 godina od osnivanja Gradskog mješovitog hora Živinice, slali dopise za saradnju sa drugim horovima u BiH i inostranstvu. Stupili u kontakt sa raznim dirigentima i kompozitorima u vezi manifestacije/ koncerta horskog pjevanja 25 Septembra. Osim toga učestvovali smo u sastancima dogovaranjima, traženju sponzora za manifestaciju i drugim tehničkim potrebama za naš hor.

Ova pandemija je na žalost puno planiranog ukočila, spriječila sve nas tako da smo radili onoliko koliko nam je situacija dozvoljavala.

Trudili smo se da damo od sebe maksimum, da podarimo našem gradu umjetničku vrijednost. Nadamo se da će doći bolja vremena i da ćemo uspjeti u svojoj namjeri da sa ljudima koji vole kulturu i umjetnost a posebno koji vole svoj grad da damo svoj doprinos razvoju umjetnosti u našem gradu i široj okolini.

Kad sumiramo proteklu godinu i pored problema koje nam je pandemija Corona virusom zadala možemo biti zadovoljni sa radom Gradskog mješovitog hora Živinice.

Rukovodstvo Gradskog mješovitog hora Živinice je pod dirigentskom palicom maestra Seada Siočića prof.doc. dirigent

➤ **Infrastrukturni projekti**

Od infrastrukturnih projekata u Javnov ustanovi Bosanski kulturni centar Živinice u prethodnoj 2021.godini nije realizivan ni jedan projekat zbog nedostatka finansijskih sredstava. U narednom periodu je planirano da se uradi niz infrastrukturnih projekata.

➤ **Medijska projekcija**

Rad JU BKC Živinice i ove godine su podržali, kako lokalni, tako i svi ostali značajniji mdiji u našoj zemlji. O događajima JU BKC Živinice pisali su i govorili: Klix, Avaz, Oslobođenje, FTV, OTV, BHT, RTVTK, RTV Živinice, Neon TV, RTV Slon, RSG radio, Kalman radio, BH radio 1, Živinice.ba, Tuzlarije, Tuzlanski.ba i mnogi drugi.

➤ **Izdavanje poslovnih prostora**

-Poslovni prostor „ Restoran-kuglana“, - koji je bio zakupljen od strane UG „Fitnes klub Šampion“ iz Živinica, a koji je zbog pandemije korona virusa- sporazumno raskinuo Ugovor sa 30 septembrom 2020. godine do danas nije izdat u novi zaskup.

-Na krovu su smještene dvije bazne stanice a mobilnu telefoniju (jedna u vlasništvu BH Telecom, a druga HT Eronet) uz naknadu.

-Udruženju građana Penjački klub „UP“ Živinice izdat je dio prostora iza velike scene počev od oktobra 2021. godine.

-Jedna prostorija na drugom spratu izdata je pod zakup za potrebe održavanja kursa njemačkog jezika.

-Bez naknade prostore koriste: JU RTV Živinice, Ministarstvo za pitanje boraca FBiH, UG „ KUD“ Živinice, UG „Scena“ Živinice, RK „Konjuh“ Živinice, UG Sevdah Živinice, Udruženje pčelara „Vrijesak“ Živinice, Arhiv Općine Živinice, magacin Civilne zaštite Općine Živinice.

JU BKC Živinice
Broj: 52 – 2 / 2022.
Datum. 18. 4. 2022.godinu

M.P.

Direktor JU BKC Živinice

Mevludin Ferhatović